

內 務

東三省總督徐吉林巡撫朱會奏吉省請設司道各缺派員試署摺

一百九十八

三月

署。茲查有軍機處存記二品銜直隸候補道倪嗣沖器局闊通才猷練達堪以試署民政部使現任黑龍江分巡道兼按察使銜秋桐豫謹慎老成熟諳律意堪以試署提法司使二品銜候選道談國楫學識開敏勤幹有爲堪以試署度支司使仍由臣等認真察看如其果能勝任再行請旨簡授至參贊所領之承宣諮議兩廳事務江省原由文案處辦理三年尚臻妥洽現在僉事科員議員等暫難添設擬酌設祕書官與原有之委員分任其事並將從前之印務處併入其各司以下各官亦均暫用委員以歸簡易謹奏奉 硃批著照所請該衙門知道欽此

東三省總督徐吉林巡撫朱會奏吉省請設司道各缺派員試署摺

竊臣世昌於本年十一月初七日行抵吉林省城與臣家寶接晤籌商一切並及官制辦法伏念吉省爲我朝根本重地實居三省之中文化久開民生較富長春一府又縮南北要衝交通既繁形勢尤爲扼要比之江省各事俱有規模比之奉天地方亦尙爲完善徒以官吏不能整頓積弊叢滋現在不能不急圖治理查吉省現有提學提法兩司其吉林分巡道一缺自應遵照奏定外省官制裁撤此外應增設者吉省交涉事件現在正關緊要將來吉長通行鐵路諸務更繁各國商民必且日多一日亟應設立專司經理以交涉局附入

民政則以巡警局自治局及關於民政各項局所改設不更設巡警道缺度支則以所有財政各局及從前之戶司併設勸業道則以農工商礦林業各局所併設從前之刑司裁歸提法司兼辦工司則分別併入民政司勸業道統計增設各缺合之原有兩司共爲五司一道庶可各專責成旗務暫不設司以從前兵司改設旗務處先行試辦蒙務則仍須體察情形從緩辦理至吉林副都統一缺自改設行省以後事務頗簡與外城各副都統情形不同查黑龍江省城副都統缺早經奏請裁撤吉省事同一律相應請旨裁撤以昭核實所有新設各缺自應派員試署茲查有二品銜奏調分省補用道鄧邦述器識闕通才猷練達考查各國政治極有心得堪以試署交涉司使二品銜軍機處存記代理吉林分巡道謝汝欽才識優長器局纏練久歷邊徼衆望允孚堪以試署民政司使二品銜軍機處存記奏調分省補用道陳玉麟時務通達規畫精詳前在湖南四川籌辦要政皆能潔己奉公卓著成績堪以試署度支司使二品銜奏調直隸候補道徐鼎康心細才長安詳謹慎講求時務識議開通堪以試署勸業道仍由臣等察看如能勝任再行請旨簡授參贊所領之承宣諮議兩廳事務吉省亦由祕書官及文案處辦理均臻妥洽應如其舊而以從前之印務處併入司道以下各官先各設首科僉事一人餘暫緩設而以委員分任其事至省外各

內 務

東三省總督徐吉林巡撫朱會葵吉省請設司道各缺派員試署摺

一百九十九

戊申

內 務

前署山東巡撫吳奏裁撤東省督糧道增設巡警勸業兩道缺摺

二百

三月

缺則以長春最爲緊要地方居四達之衝中外輻輳交涉紛繁實與哈爾濱同一情形非有得力大員不足以資鎮攝應請先設吉林西路兵備道員缺駐紮長春責令辦理交涉一切事務俾專責成一俟奉 旨允准設缺後再行揀員試署其餘各路應設員缺容再體查地方情形陸續奏明辦理謹 奏奉 硃批著照所請該部知道欽此

前署山東巡撫吳奏裁撤東省督糧道增設巡警勸業兩道缺摺

據署德州知州豫咸稟報督糧道周開銘於光緒三十三年十一月二十七日因病出缺等情當經遴選候補道徐世光前往暫行接署伏查山東督糧道一缺原駐省城因辦漕務移駐德州統轄五衛所各幫幫弁督理全漕兼管德常臨各倉事宜責任本屬繁重自糧運停辦漕糧全行改折五衛所員弁一律裁撤衛所錢糧改歸州縣徵收由藩司經理糧道事甚清簡本應早日裁撤因前撫臣周馥於光緒二十八年奏明辦理屯田繳價一案責成糧道在德州設立總局經理德州等三十州縣屯田繳價頭緒紛繁頗形棘手一時未便議裁業將屯戶抗繳爲難情形迭次奏明在案嗣又酌量改章變通繳價名目令屯戶完納稅契軍戶呈繳照費減之又減輕而易舉方得稍稍就緒爰將總局裁撤通飭各州縣將稅契照費逕解藩司核收糧道僅管漕折倉款除簿書期會而外幾於無事可辦現雖速議疏濬南北